

Modul «Canon rumantsch»**Docent: Rico Valär****Datas: 1-2 / 26-4 / 25-10 / 13-12-2025**

En il modul deditgà al «canon rumantsch» ans occupain nus da la producziun litterara rumantscha da l'entschatta enfin oz. La finamira è da survegnir ina survista generala da l'istorgia da la litteratura rumantscha – da geners, temas, debattas, persunas – ed in'invista pli detagliada en texts da prosa e poesia dals ultims quaranta onns – en trends, svilups, poetologias, biografias d'autur*as. La basa dals moduls èn lecturas, analisas, discussiuns ed instrucziun.

Emprim di dal modul

Durant il di introductiv discutain nus davart canons ed anti-canons, davart canons minoritars e canons naziunals. Nus survegnin ina survista da lecturas pussaivlas per ils proxims moduls e faschain nossa selecziun. I dat cun cudeschs, purtrets e texts ina survista generala da la litteratura rumantscha dal 16avel tschientaner enfin oz cun fanestras sin diversas cuntraversas litteraras.

Segund di dal modul

Durant il di deditgà a la «prosa rumantscha» ans confruntain nus cun in pèr basas teoreticas da la narratologia, faschain analisas da texts litterars e discutain da nossas lecturas. Nus survegnin invistas en divers geners da prosa ed en las ovas da prosaist*as rumantsch*as.

Terz di dal modul

Durant il di deditgà a la «lirica rumantscha» ans fatschentain nus cun in pèr basas teoreticas da l'analisa poetica e da l'intertextualitad, faschain analisas da texts litterars e discutain da nossas lecturas. Nus survegnin invistas en diversas furmas e tradiziuns liricas ed en las ovas da poet*essas rumantsch*as.

Quart di dal modul

En il modul final recapitulain nus nossas experientschas ed enconuschientschas fatgas en connex cun il «canon rumantsch», preschentain pli detagliadamain lecturas selecziunadas e discurren davart nossas atgnas orientaziuns ed influenzas litteraras, davart nossas atgnas poetologias.

Biografia

*Rico Valär, *1981, è creschì si a Zuoz, ha studegià linguas neolatinas, lingua e litteratura rumantscha e litteratura franzosa a l'Universitad da Turitg ed ha scrit ses doctorat davart l'istorgia dal moviment rumantsch. El ha lavorà sco translatur e terminolog, sco collavuratur scientific en la politica culturala e sco moderatur da televisiun. Dapi il 2018 è el professor per litteratura e cultura rumantscha a l'Universitad da Turitg.*